



Projects da promoziun en il rom dal program chantunal d'integraziun (PCI) dal Grischun

II. Promoziun tempriva e furmaziun da geniturs

Directivas per inoltrar dumondas

1. Situaziun da partenza

Sa basond sin l'art. 58 da la lescha federala davart las personas estras (LEst, CS 142.20) paja la confederaziun contribuziuns per l'integraziun da personas estras en il sector da la promoziun specifica da l'integraziun. En il rom da la realisaziun dal [program chantunal d'integraziun \(PCI\) dal Grischun](#) pon vegnir sustegnidas finanzialmain mesiras da promoziun sin il champ da la promoziun tempriva e da la furmaziun da geniturs, sche quellas han la finamira da meglierar las cumpetenzas linguisticas d'uffants da la vegliadetgna prescolara resp. da rinforzar e da sustegnair ils geniturs en lur incumbensa educativa, e sch'ellas megliereschan las schanzas da partenza per la carriera da scola dals uffants.

2. Finamira

- Per meglierar las schanzas d'uffants da lingua estra da pudair cumenzar la scola cun success, èsi indispensabel ch'els hajan enconuschientschas da la lingua locala. En il rom da purschidas integrativas da promoziun tempriva duain vegnir intermediadas ad uffants da la vegliadetgna prescolara cumpetenzas linguisticas ch'els pon applitgar directamain en il barat social cun uffants da la medema vegliadetgna.
- Tras ina purschida da furmaziun da geniturs diversifitgada, che infurmescha davart il senn e davart l'impurtanza d'ina promoziun adequata dals uffants da la vegliadetgna prescolara, duain vegnir augmentadas las cumpetenzas d'agir dals geniturs en il sector da l'educaziun.

3. Gruppas en mira

Il sustegn chantunal sa drizza exclusivamain a projects per personas estras che han preni ina dimora legala e durabla e las vul dar las medemas schanzas sco a personas indigenas per l'access a resursas socialas ed economicas da noss chantun.

- La gruppa en mira per las purschidas da promoziun tempriva e per las purschidas da furmaziun da geniturs èn uffants da lingua estra en la vegliadetgna prescolara e lur geniturs.

4. Porschidas subvenziunablas

- Promoziun integrativa¹ da la lingua per uffants da lingua estra da la vegliadetgna prescolara, cun integrar lur geniturs
- Curs da tudestg per uffants da lingua estra da la vegliadetgna prescolara, cun integrar lur geniturs
- Occurrenzas u curs che rendan attent geniturs da lingua estra a l'importanza da la promoziun tempriva en vista a l'integraziun linguistica e sociala e ch'extendan lur cumpetenzas d'agir educativas (furmaziun da geniturs)
- I n'exista nagin dretg da survegnir in sustegn finanziel dal chantun (art. 27 al. 1 OtLItLEA²).

5. Criteris da sustegn decisivs

Ultra dals criteris chantunals da promoziun ch'èn enumerads sut www.integration.gr.ch èn decisivs ils suandants aspects per giuditgar la dumonda:

- collavuraziun cun la vischnanca resp. cun las autoritads cumpetentas al lieu
- metodica e proceder per cuntanscher la gruppa en mira e per allontanar impediments d'access (p.ex. cun pretschs raschunaivels, cun integrar personas decisivas, cun reclama sistematica)
- integraziun dals geniturs
- promoziun linguistica intenziunada d'uffants da lingua estra
- integraziun da posts ch'èn cumpetents tematicamain en la promoziun tempriva da porschidas da la furmaziun da creschids

6. Pretensiuns da qualidad

La responsabladad per la qualidad da la porschida e per la qualificaziun da las manadras e dals manaders dals curs han ils purtaders. Per survegnir in sustegn finanziel ston esser ademplidas las suandantas premissas.

Las manadras ed ils manaders dal curs da promoziun linguistica han:

- ina scolaziun pedagogica (p.ex. manadra u manader da gruppa da giu u da canorta, mussadra)
- ina scolaziun da TsL u ina scolaziun supplementara correspudenta
- ina scolaziun supplementara en il sector da l'interculturalitad e/u experientscha professiunala en il rom da la promoziun da l'integraziun d'uffants da la vegliadetgna prescolara

¹ Promoziun cun cleras finamiras tras personas spezializadas en il rom da gruppas da giu u da canortas d'uffants existentas

² Ordinaziun tar la lescha introductiva tar la legislaziun davart las personas estras e davart ils fatgs d'asil, DG 618.110

Las manadras ed ils manaders resp. las moderaturas ed ils moderaturs da purschidas da furmaziun da geniturs han:

- scolaziun ed experientscha pratica en il rom specific
- instrucziun per moderar resp. per manar ina gruppa e/u furmaziun supplementara en la furmaziun da persunas creschidas (p.ex. FSFC 1)
- bunas cumpetenzas socialas e persunalas
- cumpetenzas transculturalas ed experientscha en il sector da la migraziun e da l'integraziun

7. Projects betg sustegnids

Il post spezialisà per l'integraziun na paja da princip naginas contribuziuns:

- al sustegn da persunas singulas (finanziaziun dal subject)
- a projects senza connex cumprovabel cun il chantun
- a mesiras che tutgan tar il champ da cumpetenzza da las structuras regularas

8. Modalitads da sustegn

- En general survegnan questas purschidas in sustegn da la confederaziun e dal chantun da maximalmain 70%. Ils custs d'infrastructura na pon però betg vegnir bunifitgads.
- Da las participantas e dals participants ston vegnir incassadas contribuziuns en la dimensiun da 5.- francs per lecziun.
- La furma giuridica dal purtader sto esser transparenta. Projects ston vegnir inoltrads d'uniuns u d'altres corporaziuns (p.ex. instituziuns publicas, firmas u organisaziuns privatas). Dumondas da persunas privatas vegnan tractadas mo en cas excepziunals.
- Il purtader s'oblighescha d'annunziar immediatamain al post spezialisà per l'integraziun dal Grischun midadas fundamentalas dal project (p.ex. midadas areguard las finamiras, las activitads, l'urari, las datas ed ils lieus da realisaziun, il budget e.u.v.).
- Entaifer 2 mais suenter la terminaziun dal project è il purtader obligà da rediger in rapport final e da far in quint final cun indicaziuns detagliadas davart ils custs effectivs.

9. Dumondas, contact e cussegliaziun

Las dumondas ston vegnir drizzadas via e-mail u a la suandanta adressa:

Uffizi da migraziun e da dretg civil dal Grischun
Post specialisà per l'integraziun
"Projects d'integraziun"
Martina Hedinger
Grabenstrasse 1
7001 Cuir

Infurmaziuns davart la publicaziun u davart l'inoltraziun da las dumondas dat:

Martina Hedinger, responsabla per la promoziun tempriva
Telefon: 081 257 25 43
E-mail: martina.hedinger@afm.gr.ch